

**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus, Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus, apprimè utile ...

In qua præter formulas Declaratoriarum Censurarum, ponuntur aliæ formulæ, tum Citationum, ac Monitionum pro validitate processuum requisitarum, tum Decretorum, aliorumve actuum ad opportunitatem, & ornatum materiæ incidentium; acceditque in calce Appendix miscellanea, plura, ad Gubernium ...

Monacellus, Franciscus

Venetiis, 1709

Sententiæ declaratoriæ suspensionis contentæ in 6. Omnis utriusque sexus, de pœnitent. & remiss. Form. I.

[urn:nbn:de:hbz:466:1-62433](https://nbn-resolving.de/urn:nbn:de:hbz:466:1-62433)

FORMULARIUM LEGALE PRACTICUM

Fori Ecclesiastici.

PARS TERTIA.

TITULUS II.

De Censura Suspensionis in particulari.

*De suspensione, seu depositione contenta in c. omnis
utriusque sexus de pœnit. & remiss.*

Contingit (licet raro) aut ex Confessoris levitate, aut ex ejus lubrica linguae loquacitate, aut humanæ naturæ (quaæ prona est ad malum) infirmitate, confessionem Sacramentalem directè, vel indirectè revelari: ideoque, quia materia gravissima est, & exemplaris: Ordinarius, habita criminis patrati notitia etiam ex officio contrà revelantem procedere non omissat, reoque sine strepitu vocato, & auditu, si de delicto non plenè, vel si plenè, non tamen malitiosè, & ex proposito, sed ex levitate revelasse constet, ab audiendis confessionibus eum suspendat, & etiam in aliam pœnam extraordinariam condemet, præmissa sequenti declaratoria.

Sententiae Declaratoriae:

FORMULA I.

Visa informatione capita super sigilli Sacramentalis fractione, & Confessionis revelatione per Presbyterum Confessarium N. facta, eoque vocato, & in defensione sua auditu, attento quod constet sigilli Sacramentalis fractionem non ex proposito, sed ex levitate, & inadvertentia licet culpabili, sine damno pœnitentis processisse: dicimus, & declaramus prænominatum N. esse perpetuò ab audiendis Confessionibus, nec non à Divinis per annum suspendendum, prout nos vigores præsentium perpetuò à Confessionibus, & respectivè per annum à Divinis suspendimus, & suspensum denunciamus, & hanc sententiam eidem intimari mandamus &c.

N. Episcopus N.

N. Attuario.

M 2 SUM-

SUMMARIUM.

- 1 Criminis fractionis sigilli confessionis cognitio, pertinet privativè ad Episcopum,
- 2 Episcopus, in quibusunque delictis ad suum forum spectantibus, procedere potest ex officio.
- 3 Judex absque sacrilegio non potest procedere pro delicto revelato à Confessario.
- 4 Fractio sigilli confessionis respicit non tantum paenitentem, quam ipsum Sacramentum, cui per revelationem fit injuria.
- 5 Delictum revelationis confessionis, quomodo probetur, & qua pena puniatur, ostenditur, & n. 6. 7. 14. 15.
- 6 Licentia paenitentis data confessario revelandi peccatum, debet esse libera, & expressa, & non debet ea uti nisi ex causa gravi, & n. 9.
- 7 Confessarius, non debet uti scientia peccati paenitentis, quam habet aliunde, nisi in re gravi, & magna necessitate.
- 8 In violatione sigilli Confessionis non datur parvitas materie.
- 9 Sigillum confessionis durat etiam post mortem paenitentis.
- 10 Confessarius Regularis, si sit fractio sigilli confessionis, punitur ab Episcopo jure delegato.
- 11 Duo testes singulares, probant revelationem confessionis.
- 12 Processus, contra Confessarium fractorem sigilli, debet construi secreto, & datur modulus servandus, & n. 17.
- 13 Inquisitus, & condemnatus de criminis fractionis sigilli Confessionis, appellatur, offenditur.

ADNOTATIONES.

- VIS A INFORMATIONE CAPTA.** Cognitio criminis revelationis confessionis, & fractionis sigilli, ad Episcopum privativè pertinet: nec Tribunal S. Officii in hoc se ingerit, nisi in casu, quo Confessarius crederet licitam esse revelationem, secreti Sacramentis, vel aliunde esset de heresi suspectus, ut de praxi

testatur Caren. de Sanct. Offic. par. 2. tit. 17. §. 23. n. 91. & seqq.

Hunc autem processum potest, & debet Episcopus, sive ejus Vicarius construere remedio inquisitionis ex officio, etiamsi Confessarius de revelatione non accusetur: quia interest bono Ecclesiæ, ut hoc crimen non relinquatur impunitum: nec in dubium revocatur, quod Episcopus in quibusunque delictis ad suum forum spectantibus, procedere potest ex officio, ut de confuetudine generali testantur Farinac. de inquisit. quæst. 1. n. 9. & 10. ibique Vulpin. n. 3. Conciol. resol. crimin. vers. inquisito resol. 1. num. 1. ubi concordantes communiter.

Nec processum retardare debet reflexio quod cum sigillum confessionis sit inductum jure positivo Ecclesiastico favore paenitentis, non possit de illius violatione inquiri, nisi ejusdem Sacramentaliter confessi interveniant consensus, seu querela, cum ejus interfit, ne sua peccata detegantur in foro, & publicentur, quia tunc fieret injuria paenitenti, & Sacramento, quoties Judex indicio habitu revelationis Sacramentalis, vellet processum instruere, & agere, pro peccato, seu delicto revelato contra ipsum Sacramentaliter confessum, aut illius complicem quod absque sacrilegio, & fractione sigilli facere non posset, & ab hoc omnino abstinere debet, ut tradunt Caren. loco citato n. 88. Lazar. q. can. sect. 2. q. 17. n. 6. Malder. in opusculo de sigill. confess. c. 27. pag. 177. & seqq. del Rio disq. mag. lib. 6. sect. 2. §. Ex hoc autem pag. 657. Navar. in manual. Conf. c. 8. n. 7.

Secus autem quando Judex procedit contra Confessarium sigilli violatorem, quia tunc ius paenitentis, non laeditur, imo vindicatur, dum injuriæ sibi illatæ per revelationem, paratur vindicta: Et licet sigillum confessionis sit inductum favore paenitentis, tamen principaliter jure Divino ex institutione Christi respicit Sacramentum, de cuius ratione, & substantia est quod sit secretum, Pirhing. in jus can. lib. 5. tit. 38. n. 14. & sic quamvis paenitens possit favori suo renunciare, dando scilicet facultatem Confessario, ut possit ex aliqua justa, & gravi causa peccatum confessum manifestare, ut.

ut contrà Scot. tenent cum Divo Th. in summ. supplem. 3. part. q. 11. art. 4. communiter DD. morales: non potest tamen præjudicare rationi Sacramenti, neque impedimenti esse, quod pro injuria gravissima eidem Sacramento per revelationem peccati illata, Confessarius contra bonum commune non puniatur, & que ad utilitatem publicam instituta sunt frustrentur, Amen. de dilect. & pœn. tit. 8. §. 4. abusus in confessione num. 10. & 11. D. Ursay. Instit. crim. lib. 1. tit. 10. §. 2. n. 154.

Dubium igitur solum oritur circa probationem delicti, & pœnæ mensuram, in quo dubio solet adhiberi distinctio: aut enim pœnitens obicit Confessario revelationem confessionis, & tunc onus probandi se revelasse de licentia ipsius pœnitentis, vel peccatum revelatum scivisse aliundè, incumbit Confessario, præsertim quando ex revelatione sequitur detrimentum pœnitentis, vel alterius: nam tunc præsumptio stat contrà eum, ut sigillum confessionis servetur illæsum. Unde ut Confessarius pœnas fracti sigilli, & suspensionis, ac molestiarum evitet periculum; cautela datur, ut licentiam revelandi in scriptis à pœnitente recipiat, Biss. Hierurg. lib. 5. num.

145. §. 5. Aut revelatio confessionis objicitur à tertio, & tunc accusanti incumbit onus probandi, Confessarium revelasse absque licentia pœnitentis, si ipse Confessarius afferat illam habuisse: defectum autem licentiae tertius accusator probabit, ostendendo Confessarium revelasse simpliciter coram pluribus, nihil addendo de licentia revelandi: Confessarius verò tunc poterit se tueri, vel pœnitentis attestatione: vel ostendendo se, quod manifestavit, extra confessionem accepisse: quod si hoc probare uno, aut altero modo non valeat, tunc licet ei non sit credendum, adhuc non pœna ordinaria perpetua depositionis, autulti-
mi supplicii, sed extrà ordinem erit puniendus arbitrio Judicis, ut tradunt Menoch. de arbitr. cas. 414. n. 8. Ricc. dec. 190. n. 4. par. 1. Graff. dec. aur. par. 1. lib. 1. c 23. n. 16. Bellet. disq. cler. par. 2. de pœn. cler. §. 31. n. 14. & 15. Bonac. de Sac. pœn. disp. 5. q. 4. sect. 5. pun. 2. n. 4. Nicol. lucubr. can.

Monacel. Formul. Pars. III.

lib. 5. tit. 38. n. 81. Mart. del Rio disq. mag. lib. 6. sect. 2. §. penul. pag. mihi 658. ubi arbitratur, quod si desint testes, Confessario bonæ famæ afferenti cum juramento id, quod revelavit rescivisse extrà confessionem, credendum sit, & eum sequitur Lazar. qu. can. sect. 2. q. 17. n. 3. in fin. quæ opinio forte amplecti poterit in praxi, quoties aliud non occurrat, quod contrà revelantem præsumptionem augeat, Maleder. de sigill. confess. cap. 11. §. Illud certius.

Et ex his evincitur, quod cum ad accusandum Confessarium de revelatione Sacramentalis confessionis admittatur tertius, ut volunt mox citati DD. nullus exigitur consensus pœnitentis, cuius peccata revelavit, in fabricatione processus: & fit palam quod Judex ex officio de hoc crimeni potest inquirere, & si pœnam ordinariam taxatam in cap. Sacerdos de pœnit. dist. 6. & in d. cap. omnis utriusque sexus de pœn. & remiss. ob defectum plenæ probationis, vel perfectæ consummationis delicti, irrogare non valet, secundum casuum circumstantias, pœnam minuere potest, & infligere, Biss. hierurg. lit. P. nu. 156. §. 1. Fagn. in c. officii num. 41. de pœnit. & remiss.

Et est notandum, quod licentia pœnitentis revelandi suum peccatum (quam ad sui libitum revocare potest, Nicol. loco sup. cit. d. n. 53.) debet esse libera, & spontanea, & nullo modo precibus extorta: debet esse expressa, non tacita, seu virtualis, presumpta, aut interpretativa: debet dari ex causa justa, & magni momenti, ut puta bopi publici, aut corporalis, vel spiritualis boni pœnitentis: nam ex causa levi revelare, etiam habita permissione confitentis, sacrilegium foret, ut ajunt Graff. loco citato nu. 13. & del Rio d. sect. 2. pag. 657. vers. duo denique.

Secundò notandum, quod scientia peccati pœnitentis, quam Confessarius habet aliundè, uti non debet, nisi in re gravi, & magna necessitatis, vel ubi periculum, aut scandalum ad hoc cogat, ut docet Innocen. in d. cap. omnis utriusque sexus in fin. nam facile scandalum queretur, quando sine utilitate, vel necessitate revelaret, quod cavere debet, nè fractor sigilli reputetur, ut monet D.

M 3 Thom.

Thom. in sum. suppl. par. 3. d. quæst. 11.
art. 4. Del Rio ubi supra vers. secundus ca-
sus: & actione injuriarum, & ad interes-
tie parti teneatur, Graff. d. c. 23. n. 28.

11 Notandum tertio, quod circa violatio-
nem sigilli Confessionis non datur parvi-
tas materiæ, & includitur non solum peccatum
mortale, sed etiam veniale, imo,
& circumstantia per quam peccatum dete-
gi potest directe, vel indirecte, prout est
DD. communis sententia, de qua Navar.
in man. c. 8. n. 3. Nicol. loco citato nu. 20. &
42. Bonac. ubi supra pun. 1. num. 5 vers. ex
quo patet Graff. d. c. 23. n. 31. Malder. de
sigill. confess. d. c. 11. Biss. hieurg. d. lit. 5 d.
n. 145. §. 13.

12 Notandum quartò, quod Confessarius
revelans confessionem, dicitur fractior si-
gilli, etiamsi pœnitens, cuius peccata re-
velavit, jam pridem vita functus sit, quia
secretum confessionis durat etiam post
mortem, Graff. d. c. 23. n. 32. Nicol. loco
cit. n. 70. ampliat. 36. del Rio loco, quo sup-
ra d. scilicet. 2. vers. notandum secundo pag.
655. Ex qua verissima propositione, pro-
sternitur illa opinio, sive doctrina, quæ
docet, quod in cognitione hujus criminis,
& punitione delinquentis exigatur con-
sensus pœnitentis: nam si talis assertio ve-
ra esset, Confessarius post illius mortem
posset impune sigillum Confessionis, quod
ad hoc durat, violare; quia defuncti pœ-
nitentis consensus ad inquirendum non
posset haberi, quod quam sit absurdum
nemo non videt.

13 Notandum quintò, quod de hoc cri-
mine non tantum Confessarius fæcularis
sed etiam Regularis accusari potest, &
contra eum inquiri ab Episcopo: quia
violans sigillum confessionis non solum
peccat contra justitiam, sed contrà Reli-
gionem peccato sacrilegii, & injuriam
facit sacramento, quod cum obligatione
secreti à Christo Domino institutum fuit:
ideoque cum de necessitate sit, quod con-
fessionem celet, ut inquit D. Th. in sum.
suppl. par. 3. q. 11. art. 1. illam revelan-
do, dicitur delinquere in administratione
sacramenti, & sublicitur Diæcesano Epi-
scopo, tamquam sedis Apostolicæ Dele-
gato vigore constitutionis Greg. XV. in-
scrutabili, de qua actum suprà in tit. de cen-

sur. excom. ad form. 41. §. ult. Fagn. in cap.
quanto num. 37. de offic. ordin. Loxter. de re
benef. lib. 1. quæst. 24. post num. 58. Pigna-
tell. consul. 54. num. 77. tom. 7.

Attento quod constet. De fractione si-
gilli, seu revelatione confessionis con-
statere dicitur, quando adsumt saltem duo
testes, licet sint singulares, ut in puncto
docet Caren. de Sanct. offic. par. 2. tit. 6.
§. 7. post n. 52. quia ad comprobandum,
quod in crimen sollicitationis admittuntur
testes singulares, adducit exemplum
criminis revelationis confessionis, inqui-
ens -- Confirmatur à simili de revelatione
confessionis, quæ licet uno teste non probetur,
quod effectum Confessarii condemnandi in
pœnam ordinariam: at tamen dicta revela-
tio sufficienter probatur ex pluribus testibus
singularibus quoniam alias veritas haberit non
potest, ita Suarez tom. 4. in 3. par. de pœnit.
disp. 33. scilicet 8. n. 3. Henr. in sum. lib. 6. cap.
19. n. 10. igitur etiam in casu nostro &c. Hoc
tamen intelligi debet, quando testes sin-
gulares non sint sibi contrarii singularitate
obstativa, si agatur de probando unico
actu.

Sed ex levitate. Hic exprimitur circum-
stantia facti, quæ minuit delictum; nam
Confessarius, qui relevat ex levitate, &
non ex proposito, non damnatur in pœ-
nam ordinariam, sed privatur in perpe-
tuum facultate confessiones audiendi, &
insuper ad tempus à Divinis suspenditur,
prout ita declarasse Sac. Congr. Episc. refert
Nicol. loco superius citato lib. 5. d. tit. 38.
n. 17. qui est casus formulæ, si vero reve-
laret confessionem à se integrè non auditam,
pœna extraordinaria Judici arbitra-
ria est puniendus Menoch. d. cas. 414. n.
7. si autem aliae circumstantiæ delictum
aggravantes concurrerent, v. g. aliquod
damnum pœnitentis, vel tertii, scanda-
lum plurium audientium, mala fama Con-
fessarii &c. tunc quamvis ex levitate re-
velatio sequuta sit, pœna extraordinaria
aggravanda quoque erit, ut volunt DD.
supra citati in §. Dubium igitur; puta sus-
pensione à Divinis ad triennium, vel pe-
na Triremium ad tempus.

Et hanc sententiam eisdem intimari
mandamus. Regulariter Judex Ecclesi-
sticus, tamen lalentiam excommuni-
catio-

cationis, quam suspensionis, & interdicti in scriptis prævia unica monitione, & cum causæ expressione ferre debeat, ut dixi in præludio: hic tamen antequam sententia feratur non est citandus reus ad dicendum causam quare non debeat declarari suspensus; sed constructo processu informativo, citandus est ut compareat ad respondendum inquisitioni contra eum formatæ de, & super Ec. juxta ityrum curiæ Episcopalis servari solitum in causis criminalibus, danda erit copia processus, cum præfixione termini ad faciendas suas defensiones, & postea concludendum in causa, reo citato ad sententiam.

¹⁷ Hæc tamen agenda erunt secreto sine strepitu, & sine publicatione, nè in plebe de hoc murmur oriatur, & confessio apud pusillos odiosa reddatur: ad quem effectum Episcopus in suis mansionibus testes recipiat, & examinet, quibus examinatis injungat præceptum de secreto servando (nō tamen sub juramento, ut fieri solet in causis fidei, & beatificazione Sanctorum) citationes pro validitate processus exequendæ non per Nuncium publicum, sed per Cancellarium fieri committat, quas receperisse sua subscriptione reus ipse fateatur (dummodo reus hoc facere non recusat) quod faciet de aliis actibus pro legitimatione processus necessariis, quos si reus legitimare, & acceptare detrectet, & vult esse pro-

digus suæ famæ, tunc adhibeantur remedia ordinaria.

Lata super hoc criminis sententia, si ¹⁸ inquisitus appellat, illius executionem non poterit impedire: quia respectu suspensionis ab audiendis confessionibus appellatio est frustatoria, cum approbatum privatè reservata Episcopo à Conc. Trid. sess. 23. c. 15. respectu vero ad suspensionem a Divinis per annum, cum agatur de materia mere spirituali, & quæ animam ligat, per sequentem appellacionem non suspenditur, ut docet Sayr. de censur. lib. 4. c. 9. n. 5. & 8. Quidquid esset dicendum si ante sententiam ius pensionis ab aliquo alio Decreto interlocutorio vim diffinitivæ habente, vel gravamine, quod per diffinitivam reparari non posset, fuisset appellatum juxta Decreta generalia Clem. 8. de quibus par. 2. tit. 15. ad form. 2. n. 8.

*De suspensione contenta in c. neminem
Ec. Sanctorum dist. 7.*

Quia in puncto juris, imò, & in praxi verior, & tutior est sententia quod qui ordinatur in sacris sine, vel ficto titulo, incurrit suspensionem, ut probant auctoritates à me allegatae par. 2. tit. 13. ad form. 3. n. 4. ideo hic reponitur formula declaratoria, qua Clericus, qui Episcopum decepit, erit suspensus denunciandus.

Sententiæ Declaratoriaæ.

F O R M U L A II.

V Isa relatione nostri Promotoris Fiscalis, & informatione capta, ex qua constat Clericum N. à Nobis ad Subdiaconatus, & Diaconatus ordines ad titulum promotum, *prædictum titulum non habere*, nec possidere, illudque anteordinationem (nos decipiendo) existere, habere, & possidere (falso tamen) probasse: *eo prius monito* dicimus, ipsum N. suspensionem ab executione, & exercitio dictorum ordinum à sacris canonibus *ordinatis illicitè*, sine titulo inflam incurreisse, & suspensum esse declaramus, & denunciamus: imò, & iterum eum jure nostro ordinario suspendimus, & intimari mandamus, omni &c.

N. Episcopus N.

N. Actuarius.

M 4 SUM-